

سنة لکی در سعادت ایچون مجیدیه  
یکرمی غروش حسابیه التمش  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سی ۴۰ پاره در

# قانون مجازات

آبونه اولمق ایستینلر دائرة عدلیه ده  
اداره مخصوصه سنه مراجعت  
ایتملدر

اعلاناتک بهرندن بر مجیدیه اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## توضیحات

محکمه استیناف مدعی عمومیس عطفو قتلو جمال  
بک افندی حضرتلرینه لیاقت وحسن خدمته مبنی  
ترفعاً رتبه بالا توجیه بیورلمشدر.

## نشان

محکمه تمیز باش مدعی عمومیس عطفو قتلو جلال  
بک افندی حضرتلرینه خدمات صداقتکارانه و رویت  
مندانه سنه مبنی مرصع مجیدی نشان دیشانی احسان  
بیورلمشدر.

## تبلیغات

جنایتله متهم اولوب عند المحاکمه فعلی جنحه  
درجه سنده تقدیر اولنورق اولوجهله محکومیتله حکم  
و قرار ویریلان اشخاص حقلرنده اعطا قلنان اعلا-  
ماتک تابع تبلیغ اولیوب محکوم علیه در دست اولندیغده  
هیئت اتهامیه نک اخذ و گرفت مذکره سنندن صکره  
وقوعبولان تعقیبات و معاملات قانونیه منفسخ اوله جنی  
و یکیدن محاکمه اجرایی اصول محاکمات جزائییه  
قانوننک اوچیز سکسان ایکنجی ماده سننده مصرح  
ایسه ده ها بدایت مسئله ده جنحه ایله غیاباً محکوم  
اولوب جنایتله متهم دیگر شریک جرم لریله برابر  
جنایت محکمه سننده محاکمه لری بالا اجرا غیاباً محکوم  
اولان اشخاص حقلرنده جنایت محکمه سنندن ویریلان  
اعلاماتک تابع تبلیغ و اعتراض اولوب اولدیغی حقنده  
قوصوه استیناف محکمه سی مدعی عمومیلکنندن وارد  
اولان تحریرانه امور جزائییه مدیرتندن بسط و بیان  
اولنان مطالعه وجهله جنایت محکمه سنجه غیاباً محاکمه  
کنلری اجرا قلنان متهمینک مجازات ترهیدیه ایله  
محکومیتلرینی محتوی اولان اعلاماتک صورت اعلان  
و تبلیغیه محاکمه وجاهیه اجراسنه منتهی شرائط اصول

## محاکمات و مقررات

در سعادت استیناف مدعی عمومیلکننده:

ارباب فساددن اولوب بالاتفاق بعض  
حرکات و تشبثات خاشانه و ملعتکارانه ده  
بولنان فراری داماد محمود پاشا ایله بوشناق  
خواجه قدری و سیرت حقلرنده اجرا قلنان  
تحقیقات اوزرینه کندیلری هیئت اتهامیه دن  
جنایتله اتهام ایدلمش اولسندن طولانی اصول  
محاکمات جزائییه قانوننک اوچیز یتیش برنجی  
ماده سی موجب جنحه معامله مقتضیه ایفا و محاکمه  
غیابیه لری بالا اجرا بولنردن محمود پاشانک بعض  
اوروپا غزته لریله اکاذیب صریحه و مفتریات  
قیحه نشر و اشاعه سننه و مطبوع هذیاننامه لر  
ایله ده تبعه شاهانه یی اجرای فساد ایچون  
تشویقات و تحریکاته جرأت ایلدیکی و هر اوچنک  
اتهام اولندقلری و جهله بعض حرکات خاشانه  
و ملعتکارانه یه تشبث ایلدکری اوراق موثوقه  
و دلائل و قرائن سائر ایله ثابت اولسنه مبنی  
قانون جزانک الی بشنجی ماده سنک فقره اولاسی  
حکمنه توفیقاً اعداملرینه و او توز برنجی ماده  
قانونیه منطوقنجه حقوق مدینه دن اسقاطلرینه  
و ذاتاً حجزینه قرار ویرلمش اولان اموالاری  
حقنده ده اوچیز یتیش یدنجی ماده موجب جنحه  
معامله اولسنه محکمه جنایتدن حکم اولنش  
و اصول محاکمات جزائییه قانوننک ذکر اولنان  
اوچیز یتیش یدنجی و اوچیز یتیش سکرنجی  
و اوچیز سکسان برنجی ماده لریله مواد سائر-  
سی احکامنه توفیقاً ایفای معامله اولمنی مرجعه  
بیلدیرلمش اولمغه اعلان کیفیته ایتدار اولندی.

محاکمات جزائییه قانوننک اوچیز یتیش سکرن و اوچیز  
سکسان ایکنجی ماده لرنده مندرج اولوب جنایتله اتهام  
اولنوبده محاکمه غیابیه لری نتیجه سننده مابه الاتهامی  
اولان فعلک جنحه درجه سننده کوریلهرک اولوجهله  
محکوم ایدیلان اشخاص حقلرنده کی احکام غیابیه ایله  
برجنایتله مشترکاً ایقاع اولنسنندن دولای محاکمه سی  
توحید ایدیلان و مظنون علیه لری حقلرنده غیاباً محاکمه  
اجراسیله حکم اعطا قلنان ماده متعلق اعلاماتک  
احکام جنایتیه کی شخص غائبک در دست حالده  
منفسخ اوله میوب مقررات مذکوره نک کان لم یکن  
حکمنه عدی قانون مذکورک یوز یتیش برنجی ماده سننده  
کوستریلان صورت دائره سننده اعتراض علی الحکم  
استدعای اعطا و شرائطی ایفا ایتسکه مشروط  
بولدینگی جوابی انجمن عدلیه افاده سیله ذکر اولنان  
مدعی عمومیلکه تبلیغ اولنمشدر.

رئی قاجیلغنه متعلق دعاوینک صورت و مرجع  
رؤیتی حقنده تعمیماً تبلیغ اولنان ۲۲ کانون ثانی سنه  
۳۰۹ و ۹ مایس سنه ۳۱۷ تاریخی محرراته رسومات  
اداره سی طرفندن اجنبی توتون قاجیلغنه دائر اقامه  
اوله جق دعاوی مسکوت بر اقلمش اولدیغندن بجنحه  
محررات مذکوره احکامنک دعاوی مزبوره حقنده ده  
تطبیق اولنوب اولنیه جنی حقنده جزایر بحرسفید  
ولایت محکمه استینافیه سی مدعی عمومیلکنندن وقوع  
بولان اشعاره، رژی نظامنامه سی خارجنده اولوب  
طوغریدن طوغری به رسومات امانته عائد بولنان  
اجنبی دخان رسومیه جزای تقدیمی دخان نظامنامه سنه  
تابع اولدیغی جهتله قحاق اجنبی توتونلری جزای  
تقدیمی حقنده رسومات اداره لری طرفندن اقامه  
اولنان دعاوینک رژی دعوالرینه قیاساً محاکم جزائییه ده  
رؤیتیه مساع قانونی اولیوب دعاوی مذکوره نک  
کا کان قوانین عمومیه یه توفیقاً محاکم حقوقیه جه فصل  
ورؤیت ایدلمسی لازم کله چکی جوابی انجمن عدلیه  
افاده سیله ویرلمشدر.



اعضا ملازمی بولسان لوارده محکمه باش کاتبک مدعی عمومی وکالت ایتسی غیر جائز اولدیغنه واعطای قراردن اول احساس رأی مشعر معامله اجرایی مغایر اصول وقانون بولندیغنه دائر محکمه تمیز جزا دائره سندن ویریلان اعلامدر :

ازمید سنجایی بدایت محکمه سی جزا دائره سندن ویریلان ۹ ایلول سنه ۳۱۶ تاریخ ووز تمش یدی نومروی اعلام واوراق متفرعه سی باش مدعی عمومیک مأموریت بهیه سندن ۲۷ ایلول سنه ۳۱۶ تاریخ وایکی بیک سکزی یوز الی نومروی تبلیغنامه ایله محکمه تمیز جزا دائره سنه کوندربلکه مطالعه اولندی.

مذکور اعلامده یالوه قضاسنه تابع خنارجق قریه سی اهالیسندن ایش رئیس اوغلی احمد اونباشیک قتلندن دولای اتهام ایدیلان قریه مرقوملی یوسف رئیس اوغلی صالحک الحاکمه اون بش سنه مدته محکومینه دائر مقدما ویریلن اعلامک محکمه تمیزجه نقضاً اعاده قلمسی اوزرینه اجراقلان محاکمه اخیره سی نتیجه سنده جزا قانوننامه هایونک یوز تمش دردنجی ماده سنه تطبیقاً کافی السابق اون بش سنه مدته کورک قولسنه دائر قرار ویرلیدی محردر.

مرقوم صالح طرفندن ویریلن لایحه تمیزیده قتلک مدافعه بولنده وقوعندن وتقیرده عائد اعتراف خاتندن بحاله اعلام مذکورک قضی استدا قلمشدر. تبلیغنامه ده دخی کرک ابتدای محاکمه ده وکرک اوچنجی قسم محاکمه ده مدعی عمومی به باش کاتبک وکالت ایتدیرلش اولدیگی اکلاشیلوب حالبوکه لوا محکمه لرده اعضا ملازمی بولنق حبیلله باش کاتبک وکالتی جائز اوله مامسنه ومجریمت قرارنده فلکک ثابت اولدیغندن بحث اولندقدن صکره مدافعات واقع نهاده موقع مذاکره ایدیلرک ردینه قرار اعطای تذکار اولنسی قبل القرار احساس رأی مشعر اوله رق قانوناً مغایر اصول بولمنسه ولایحه تمیزده نقصانی تدقیقات جهتلرینه معطوف بولان اعتراض دخی بجا کورلنسه مبنی اعلام مذکورک قضی طاب اولمشدر. تدقیقات تمیز به اجرا اولندقدن تبلیغنامه ده سرد اولنان اعتراضات وارد وقضی مستلزم اسباب قانونیه مستند بولندیغندن اصول محاکمات جزائی قانونک اوچوز اون دردنجی ماده سنه توفیقاً اعلام مذکورک دخی نقصنه واوراقلک محله اعاده سنه وایکی یوز غروش خرج اعلامک تحصیله ۱۲ شباط سنه ۳۱۶ تاریخده قرار ویرلدی.

جعفر بکک خداوندکار ولایه داخلنده یکشهرده کائن جفتلکنه مربوط ایکی قطعه ترلای ساخته کارلقی اجراسیله یکشهرلی ادهم بک عهده سنه فراغه جرأت ایتسندن دولای مظنون اولان ملیجان وقره بت وعبکار نام شخصلره مشارکری حقارنده کی دعوانک اسباب مقبوله نظامیه بناء خداوندکار ولای مرکز بدایت محکمه سی مستطقلکنه نقله محکمه تمیز استدا دائره سنجه قرار ویرلشدر.

طرزوزن وارضروم ولایتلری محاکم استینافیه سنجه جرائم متعدده جنبه دنطولای متهم وغیا بمحکوم اولوب طرزوزن داخلنده اجرای شقاوت ایتکده ایکی دردست اولنه رق لاجل الحاکمه ارضرومه اعزام قلنان سورمه قضاسنک اخو قریه سندن حاجی حسن اوغلی الیاس ایله طرزوزنده موقوف اولان ورماده دن دولای الیاسک شریک جرمی اولوب غیاباً اوچ سنه کورک جزاسیله محکوم بولان قضاء مزبورک بورق قریه سی اهالیسندن قره محمود اوغلی رجب حقارنده کی شقاوت دعوانک دعاوی سائر ایله توجید ایدلک اوزره ارضروم استیناف محکمه سی جزا دائره سنه نقله محکمه تمیز استدا دائره سنجه قرار ویرلشدر.

مخبرات فسادیده بولندیغندن دولای جنباته متهم بولان شام مکتب اعدادیسی مدیر سابق محمد توفیق افندیکن نقل دعوا به دائر اعطا وپروت محکمه استینافیه سی مدعی عمومیکندن اسراقلان عمر خوالک ردینه محکمه تمیز استدا دائره سنجه قرار ویرلشدر.

اخذ رشوتله وظیفه مأموریتی سوء استعماله جرأت ایتسندن طولای جنباته اتهام اولنان موش سنجایی بدایت محکمه سی جزا رئیس سابق مصطفی افندیکن هیئت مخصوصه اتهامیه مضطبه سی علیه اعطا ایلدیگی مفسوخیت استدعاسنک ردینه محکمه تمیز استدا دائره سنجه قرار ویرلشدر.

رواندزی عبداللهک کیفیت قتلندن دولای اجرا قلمقده اولان تحقیقاتک بصره وبغداد ولایتلرندن بشقه بروایت مستطقلکنه نقلی بغداد استیناف محکمه سی مدعی عمومیکندن استدا قلمسی اوزرینه دعوا مذکورک موصل بدایت محکمه سی مستطقلکنه نقله محکمه تمیز استدا دائره سنجه قرار ویرلشدر.

صاری شعبالک فوجهورمان جفتلکنده قورخیلق ایدن احمد بن حسینک جرح وقتلندن دولای جنباته اتهام ایدیلان چفتاک کتخداسی یونس بن محمد ومحمد علی بن احمدن بونسک اون بش ومحمد علینک اوچ

سنه مدته کورک قوللرینه دائر درامه سنجایی بدایت محکمه سی جزا دائره سندن ویریلان ایکی یوز الی طقوز نومروی اعلام محکمه تمیز جزا دائره سنجه تصدیق ایدلشدر.

قالقاندلن قضاسنه تابع شقویجه قریه سی اهالیسندن رفیق بن منلا عنزک کیفیت قتلندن دولای جنباته متهم اولان قریه مذکورک حسن بن یحیاسنک اون بش سنه مدته کورک قولسنه دائر برزین سنجایی بدایت محکمه سی جزا دائره سندن ایکنجی دفعه اوله رق ویریلان بشیوز نومروی اعلام محکمه تمیز جزا دائره سنجه تصدیق اولمشدر.

دباغ ریجانی قتل ایتسندن دولای جنباته اتهام اولنان اسکوره مقیم عبدالرحمن بن احمدک اون بش سنه مدته کورک قولسنه دائر قوصوه ولای استیناف محکمه سی جزا دائره سندن اعطا قلنان سکسان بش نومروی اعلام محکمه تمیز جزا دائره سنجه تصدیق ایدلشدر.

دوما قضاسنک بالا قریه سی اهالیسندن علی بن احمدک کیفیت قتلندن دولای جنباته اتهام اولنان محمدیه قریه سی اهالیسندن جوان سلیم شامیه بن عبداللهک اون بش سنه مدته کورک قولسنه دائر سوریه ولای استیناف محکمه سی جزا دائره سندن ویریلان ۱۴۰-۳۶ نومروی اعلام محکمه تمیز جزا دائره سنجه تصدیق اولمشدر.

ازمید سنجاقه تابع باغچه جک ناحیه سنک ثرویه قریه سنده مقیم تپه دلی آرنبود راغبک برادر زاده سی ابراهیمی جرح وقتل ایلدیگی ادعا قلمسندن دولای جنباته اتهام اولنان قریه مذکورده ساکن ریزنک سه توز قریه سی اهالیسندن مصطفی اوغلی تمشک اون بش سنه مدته کورک قولسنه دائر لواء مذکور بدایت محکمه سی جزا دائره سندن اعطا قلنان الی اوچ نومروی اعلام محکمه تمیز جزا دائره سنجه تصدیق اولمشدر.

بازرکان قریه لی چرکس حسن قزی حوانک قتل قصیده جرحندن دولای جنباته اتهام اولنان مزبورک دامادی علی اوغلی محمدک اوچ سنه مدته کورک قولسنه دائر انطالیه سنجایی بدایت محکمه سی جزا دائره سندن اعطا اولنان سکزی نومروی اعلام محکمه تمیز جزا دائره سنجه تصدیق اولمشدر.

طوزله لی بکچی یوانی قتل ایلدیگی ادعا اولمشندن دولای جنباته اتهام اولنان باندلی ولد حاجی آندونک اون بش سنه مدته کورک قولسنه دائر درسعادت

جنایت محکمه سندن ویریلان یوز القش سکزی نومروی اعلام محکمه تمیز جزا دائره سنجه تصدیق قلمشدر.

ذیله قضاسنه تابع صاری قیا قریه سندن عارف اوغلی مصطفانک معامله جبر وشدت اجراسیله نقود واشیاسی اخذ وغصب ایتلرندن دولای جنباته اتهام اولنان قضای مذکورک مشاو قریه سی اهالیسندن امام اوغلی احمد بن عبده وجلال اوغلی احمد بن حسین وامین بن علینک اوچر سنه مدته کورک قوللرینه دائر توقاد سنجایی بدایت محکمه سی جزا دائره سندن ویریلان بشیوز ایکی نومروی اعلام محکمه تمیز جزا دائره سنجه تصدیق اولمشدر.

پرتیج قضاسنه تابع بودله قریه سندن باشی بن فرهادی قتل قصیده جرح ایتسندن دولای جنباته اتهام اولنان قریه مذکورک احمد چاوش اوغلی ادهمک اوچ سنه مدته کورک قولسنه دائر سیزوز سنجایی بدایت محکمه سی جزا دائره سندن ایکنجی دفعه اوله رق ویریلان آتی یوز بکرمی ایکی نومروی اعلام محکمه تمیز جزا دائره سنجه تصدیق اولمشدر.

نامروان قضاسنک اغناود قریه سندن خلیلک کیفیت قتلندن دولای جنباته اتهام اولنان اون درت یاشنده کاملک اون بش سنه کورک جزاسنک ربی اولان اوچ سنه طقوز ماه مدته حبس ایدلنسه ویش سنه ضبطه نظارتی آلتنه آلتسنه دائر ارضروم ولای استیناف محکمه سی جزا دائره سندن اعطا قلنان یوز اون اوچ نومروی اعلام محکمه تمیز جزا دائره سنجه تصدیق اولمشدر.

نفس دیار بکرک لالا بک محله سندن الیاس بن عبدالواحدک ضرباً وفاته سیبت ویرمسندن دولای جنباته اتهام اولنان فاتح پاشا محله سی اهالیسندن طوپال ایغوشک اوغلی ها کوب نام دیگر بویونک حین ایقاع جرمده مراهق نابالغ بولندیگی جهته قانون جزانک قرقچی ماده سنه توفیقاً مستحق اولدیگی بش سنه کورک جزاسنک ثلثی اولان بکرمی ماه مدته کورک قولسنه ویش سنه ضبطه نظارتی آلتنه آلتسنه دائر دیار بکر ولای استیناف محکمه سی جزا دائره سندن اعطا قلنان ۱۴۳ نومروی اعلام محکمه تمیز جزا دائره سنجه تصدیق اولمشدر.

بقال واسیلک چراغی خرستوی جرح ایلدیگی اصولاً ثابت اولان الما طاغنده ساکنه امیلیا بنت قسطنطیندن بریحی آلتون آلهرق خرستویه اعطاسنه

بالقچی استپان ولد مانوقک صنان صندالجیلرندن یانی ولد دیمتری بی جرح ایلدیگی ثابت اولدیغندن بر هفته حبسنه

خلاف تنیه سلاح طاشیدینی وورژینک خانه سی جاملرخی قیردرق ایراث خساره جرأت ایتدیگی ثابت اولان قهوه چی ارکوبلی یورکی ولد انانیان اون بش بشلک جزای نقدی اخذینه

قاسم پاشالی ثانیه خانه محل نافوس سوزیولدیگی اصولاً ثابت اولان نظیره خاکمک اوچ کون حبسنه غلطده قره اوغلان زقاغنده ساکن آیدونک خانه سی جاملرخی قیردینی ثابت اولان محافظه ماموری عمرعاصم افیدین اون بش بشلک جزای نقدی آلتسنه الما طاغنده ساکن حال قره تی ضرب ایدن آراهی السطاش ولد دیمتری وقالیو بی بت قسطنین بر آلتون آلهرق مضروبیه اعطاسنه

آینه لی چشمه ده طبله کار پتوتک اموال مقوله سنه ایراث خسار ایدن انکلتزه دولتی تبعه سندن وینچی بوشا قیردن اون بشلک جزای نقدی آلتسنه

یوسف ایله زوجیه سی نوریه طاطاله لسان ایدن بحربه ملازم لردن محمد افیدین یارم لیرا جزای نقدی اخذینه

فرونجی قسطنی ایله زوجیه سی ماریجه نک طوبخانه ده بوستان باشنده ساکنه کربا کیچیه طاطاله لسان ایتدکری ثابت اولدیغندن قسطنین ایکی ومار یچندن یارم آلتون جزای نقدی اخذینه

مظهر بکه حقارت ایدن فری کوبلی دللال نظر تک ایکی کون حبسنه

علی جرح ایدن عزب قیو حامل لردن اسماعیل بن حسنک اون کون حبسنه

بقال بورکی ضرب ایدن یکشهرده موچی زقاغنده ساکن صوبه چی دیمترینک برهفته حبسنه پولیس ماموری مصطفی وجمال افیدلره اجرای مأموریت حالنده حقارت ایدن کورچی آندوندن ایکی لیرا جزای نقدی اخذینه

دیمترینک ساعتی سرقت ایدن علقونک بش ومرقومه یتاقلق ایدن کیچی چونک دخی درت ماه حبسلرینه وختام مدتلرنده کفالت آلتنه آلتلرینه مکتب اعدادی ملکی طبله سندن محمود افندی بی ضرب ایدن رجائی افیدین ایکی آلتون آلهرق مضروب موچی ایله اعطاسنه

ادرنه قیوسنده آبی چشمه ده حلوا حیللق ایدن حسین اغای ضرب وجرح ایلدیگی اصولاً ثابت اولان

یک بکیرخی ضرب ایتدکری ثابت اولان آصمه

آلتنده طاووقچی نیقولینک چراغی براشکوه نک اون کون ووالق بازارنده اسکجیلک ایدن میخال ولد کرباقونک دخی برهفته حبسلرینه

فاتحه قریلی مسجد قارشوسنده قهوه جیلک ایدن محمدک زوجیه سی عایشه بی ضرب ایدن قرانلی برر محمدن بر آلتون آلهرق مضروبیه اعطاسنه اسکی علی پاشاده ساکن محمد علی افندی بی ضرب وجرح ایتدیگی ثابت اولان ترلکچی حاجی احمدک برهفته حبسنه

الما طاغنده ساکن قره نک باغچوان دیمتری بی باشندن جرح ایلدیگی ثابت اولدیغندن برهفته حبسنه بک اوغلنده حال باشی جاده سنده ساکن ترزی اسپرونک چراغی بنا یوطی ضرب ایتدیگی ثابت اولدیغندن بر آلتون آلهرق مضروبیه اعطاسنه

پولیس محمد افندی بی اجرای وظیفه حالنده تحقیر ایدن ایتالیا دولتی تبعه سندن آطوره دن بر یحقی لیرا جزای نقدی اخذینه

بیله رک قلب آچه سوردیکی ثابت اولان ایتالیا دولتی تبعه سندن صلواتوردن لیرا جزای نقدی اخذینه غلطده قفسچی زقاغنده میخانه چی لفتک دومینقونک اموال مقوله سنه ایراث خسار ایلدیگی

ثابت اولدیغندن اون بشلک جزای نقدی آلتسنه

دعوی وکیلی واکان افندی بی ضرب وجرح ایتدیگی ثابت اولان ایتالیا دولتی تبعه سندن فرانسجقونک اون کون حبسنه ودرت لیرا آلهرق مضروبیه اعطاسنه اجرای وظیفه حالنده پولیس موسی افندی بی جرح وتحقیر ایدن پاپاس کورپرسنده بادم زقاغنده بارکیوچی علینک دکاننده مقیم آلتی ولد طودورنک بر سنه ومرقومی ضرب ایدن موسی ایله موسی افندیکن دخی ایکی آی مدتلرله حبسلرینه

نجیب بکک طباق ونخره سنی سرقت ایدن طوغا تحقیرده آتسجیلق ایدن علی بن حسنک اوچ آی حبسنه وختام مدتنده ضبطه جه کفالتیه ربطه واموال مسروقونک دخی صاحبه تسلیمنه

اقمر ایده نظامیه قره غولی ایتسالنده مصرچی دکاننده طبله کار قسطنطنیل حسنی ضرب ایدن اسکی علی پاشاده فندق اوغلی محله سنده سکزی نومروی خانه ده ساکن کنفرلی عثمان بن عثمانن بر آلتون آلهرق مضروبیه اعطاسنه

لنغه ده ساکن دولکر بلاشی ضرب ایدن تراموای قوندو کتور ملازم لردن نیکه لی استاوریدن بر آلتون آلهرق بلاشه اعطاسنه

لنغه ده اوزون اوطله رده ساکن واسیلی ضرب ایدن طلومیه چی بدروسدن بر آلتون آلنوب واسیله اعطاسنه



قطار جیلرده اوتوزیدی نومرولی دکانه شکرچی  
لفترک اموال منقوله سنه ایراث خسار ایلدیکی ادعا  
اولان طلومبه جی ارضروملی عمردن اون بش بشلک  
جزای نقدی اخذینه

لونجه موقعنده مستخدم پولیس حلیم افندی  
ضرب ایدن اگری قیوده بالقجی ابراهیم بن سعیدک  
آلتی ماه حبسنه در ساعات، بک اوغلی واسکدار بدایت  
محاکمی جزا دایره لر نجه قرار ویرلمشدر

## اعلانات

تجارت بحریه محکمه سنه :

تخته قاعدهده چوملک جیلرده ۲۳ و ۲۵ نومرولی  
مغازله رده مقیم راق مؤئز فیلیانک ۱۹ کانون ثانی  
۳۱۷ تاریخندن اعتباراً افلاسنه ومصالح افلاسیه نك  
رؤیت وتسویه سی ضمننده اعضای محکمه دن عزتلو  
مارقار افندی نك ژوژ قومیسر ودعوی وکیللرندن  
زاقاریان کر قور افندی نك موقت سندیک تعیینلرینه  
ومغازله لیه اشیا زائده بیتیه سنک تمهیرینه واوراق  
ودفاترینک جلبنه وکفالت ویره مدیکی تقدیرده حبس  
وتوقیفنه وبوباده کی قرارک موقتاً اجراسنه محکمه  
تجارت بحریه جی قرار ویرلمش اولدیغندن قانوننامه  
تجارتک ۱۷۰ نجی ماده سی موجبجه دائمی سندیکلر  
انتخاب اولمق اوزره اشبوشاطک بشنجی صالی کونی  
ساعت یدی راده لرنده اصحاب مطلوبک محکمه مذکور نك  
افلاسه مخصوص اولان اوطه سنه کلری اعلان اولنور.

استانبولده بالی بازارنده مقیم مفلس اقیم  
اقتیمادیسک ذمتنده آلاجنی اثبات ویا موقتاً قبول  
وقید ایتدیرمش اولان آلاجلیلرک قانوننامه تجارتک  
۲۱۱ نجی وانی ولی ایدن ماده سی موجبجه مفلس  
مرقوم طرفندن تکلیف اولنه جق قونقورداتونک  
مذاکره سی ایچون اشبو ۳۱۷ سنه سی کانون ثانیسنک  
یکرمی دردنجی پنجشنبه کونی ساعت یدی راده لرنده  
تجارت بحریه محکمه سنک افلاسه مخصوص اوطه سنه  
کلری اعلان اولنور.

درسعادتهه بالقیانی جوارنده ۸۷ نومروده  
مقیم قوندی رده جی قسطی ولد فیلیک ۲۱ کانون ثانی  
سنه ۳۱۷ تاریخندن اعتباراً اعلان افلاسنه ومصالح  
افلاسیه نك رؤیت وتسویه سی ضمننده اعضا ملازمی  
عزتلو صبری بک ژوژ قومیسر ودعوی وکیللرندن  
باولاکی افندی نك موقت سندیک تعیینلرینه

ومغازله سیله اشیا زائده بیتیه سنک تمهیرینه واوراق  
ودفاترینک جلبنه وکفالت ویره مدیکی تقدیرده حبس  
وتوقیفنه وبوباده کی قرارک موقتاً اجراسنه محکمه  
تجارت بحریه جی قرار ویرلمش اولدیغندن قانوننامه  
تجارتک ۱۷۰ نجی ماده سی موجبجه دائمی سندیکلر  
انتخاب اولمق اوزره ۳۱۷ سنه سی شباطنک آلتنجی  
چهارشنبه کونی ساعت یدی راده لرنده اصحاب مطلوبک  
محکمه مذکور نك افلاسه مخصوص اولان اوطه سنه  
کلری لزومی اعلان اولنور.

ایکنجی محکمه تجارتیه :

چارشوی کیرک بات بازاری قیوسنده تجارتله مشغول  
ایکنجی محکمه تجارتدن افلاسنه حکم اولمش اولان  
البسه جی عمرلی اوغلی یوانک خصوصات افلاسیه سنک  
رؤیت وتسویه سی ضمننده دعوی وکیللرندن ماناس  
وقدری افندیلر اصالة سندیک تعیین قلمش اولد -  
قرندن مفلس مرقوم ذمتنده آلاجنی اولانلرک  
قانوننامه تجارتک ۱۹۹ و ۲۰۰ نجی ماده لری موجبجه  
تحقیق دیون ایچون تاریخ اعلاندن اعتباراً یکرمی بر  
کون ظرفنده سنداتی محکمه کاتبه تسلیم ایلملری  
ومدت مذکوره ختامندن صکره اوچ کونده یعنی  
۳۱۷ سنه سی شباطک ۷ نجی پنجشنبه و ۹ نجی جمعه  
ایرتسی ۱۱ نجی بازار ایتسی کونلرنده ایکنجی محکمه  
تجارتک افلاس اوطه سنه کلرک سندیک افندیلر  
مواجهه سنده آله جقلرینی اثبات وقید وتصدیق ایتدیر -  
ملری ومدت مذکوره ده اثبات وجود ایده میان  
آله جقلولر حقنده قانون مذکورک ۲۱۰ نجی ماده سنه  
توفیقاً معامله اولنه جی اعلان اولنور .  
ژوژ قومیسر

اعمارات نظامیه اجرا دایره سنه :

بقال نیقولانک فاتح جوارنده صاریکزده  
مغازدهه مقیم بزیر یاغی پرودروموس ولد آندون  
ذمتنده آله جی اولان مبالغک تأمین استیفاسیچون  
مرقومک مالی اولوب مذکور مغازدهه ججز آلتیه  
آنان برکوپ دروننده تخمیناً بشیوز قیه بزیر  
یاغی کانون ثانی نك یکرمی بشنجی جمعه کونی ساعت  
بش راده لرنده مذکور مغازدهه فروخت ایدیلر جکندن  
طالب اولانلرک محل مذکورده حاضر بولنملری  
درسعادتهه اعلانات نظامیه اجرا دایره سنندن اعلان  
اولنور.

افتادولد استاورینک بااعلام نظامی حاجی پاریسیخ  
وزوجه سی طاقوهی ذمتنده اصالة وکفالة محکوم به

آلاجنی اولان مبالغک تأمین استیفاسیچون مدیونلردن  
پاریسیخک عهده سنده اولوب ججز آلتیه آلدیریلان  
قومقپوده چادر جی احمد چلی محله سنده چشمه  
زقاعنده واقع تخمیناً قرق بش ارشون عرصه اوزرینه  
مینی فوقانی وتحتانی ایکی اوطه وبر دراچه وبرمطبخ  
وبرقیو ایلر آرقه جهتنده اون آرشوندن عبارت بر  
آرالغی حاوی وسنوی اون لیرا ایجار کتورر اون  
نومرولی بر باب خانهده یوز یکرمی سهم اعتباریه  
پاریسیخک متصرف اولدیغی ایش سهم حصه سنک  
تاریخ اعلاندن اعتباراً اون بش کون صکره بللرایده  
فروخته تشبث اولنه جی درسعادتهه اعلانات نظامیه  
اجرا دایره سنندن اعلان اولنور.

محکمه تجارت اجرا دایره سنه :

باغچوان اوغلی طومه یه اولان دین محکومنک  
تسویه سیچون علی بکک تحت قلع جوارنده خواجه  
حمزه محله سنده کائن اون سکر اوطه وبرقهوه وبر  
کوز آجی صو قیوسنی حاوی ودرونه یارم ماصوره  
ماء لذیذ ومقدار کافی آجی صو جاری وشهری آلتی  
یوز غروش ایجاره متحمل کبابچی خاننده پدردن  
منتقلاً متصرف اولدیغی نصف حصه سیله ارن کونی  
استاسیونی جوارنده صحرای جدید محله سنده سکر  
نومرولی آلتی اوطه وایکی صفه ومطبخ وقیو  
وسائرینی مشتمل کوشک ایلر برابر آلتی دویم  
مقداری باغده متصرف اولدیغی نصف حصه سی بوندن  
اقدام موقع مزایده یه قونیه رق عثمانی آلتونی یوز  
غروش حسابیه خانک نصف حصه سی یکرمی بریک  
وکوشکک نصف حصه سی دخی اون بیک بشیوز  
غروشدی طالبی عهده سنده تقرر ایش وتاریخ اعلاندن  
اعتباراً اوتوز برکونه یعنی کله جک شباطک اون  
طقوزنجی صالی کونی ساعت اونه قدر یوزده بش  
ضم قبول اولنمی و ذکر اولنان یوم وساعتهه صوک  
مزایده سی بالا اجرا قرار قطعیسی ویریلرک طالبی  
عهده سنه کچیرلمسی مقرر بولمش اولدیغندن واندن  
صکره هر نه ضم وقوعبولورسه قبول اولنه جکندن  
مذکور حصه لره یوزده بش ضمیمه طالب اولانلرک  
ودها زیاده معلومات آلق ایستیانلرک بدل مزایده نك  
عشرینه مساوی بی اچیه سیله برابر محکمه تجارت  
اجرا دایره سنه مراجعت ایلملری ویوم ووقت  
من بورده املاک مذکوره پیشکاهنده حاضر بولنملری  
اعلان اولنور.